

## 天台乐园

天汇广场就喺地铁猎德站上盖，四通八达、出行方便，商场把宠物乐园设在天台，遛萌宠嘅时候仲可以欣赏到珠江新城嘅繁华景象。商场内有唔少时装、潮玩等店铺可以同狗仔一齐逛，不过宠物友好嘅餐厅就唔算多。喺呢度，猫仔狗仔要抱住或者坐喺宠物车中，临时前往嘅朋友喺二楼服务台可以租到宠物车和领取“铲屎”套装。听讲到晚上，一楼嘅户外广场会有好多狗仔来聚会。乘坐宠物专属电梯直上六楼，免费嘅天台宠物乐园设有滑梯、跳台、障碍赛道，畀小宠物散散步交朋友。呢度视野好开阔，仲可以来一出天台大片。提醒一下，天台乐园开放时间同商场唔同，大家记得查清楚再出发。



# 萌宠乐园 旅行家带你去威

在萌宠界当中，比熊 Pizza 可算係“旅行家”，主人一放假，就会一家人出门去 wet。现在，城中有不少宠物友好商场，开设咗“宠物乐园”，既能让萌宠奔跑玩乐，随手可以出大片，又可以结交朋友、搞宠物聚会，真係好啱带住宠物仔去威噶！今期，Pizza 会“上天落水”咁，带我哋去探下呢啲得意嘅乐园！

黄译萱/文 饶禧、受访者提供/图 郭玮/模特

## 萌宠档案

姓名：Pizza  
网名：Pizza 不能吃  
品种：比熊犬  
年龄：五岁半  
爱好特长：钟意旅游、交朋友，对外面世界充满好奇；自动感应快递外卖，用叫声发出配送通知。



## Pizza 小贴士

1. 每个地方对入场宠物嘅规定都唔同，入场前，主人记得先睇下每个地方嘅宠物入场须知。商场或者乐园官方账号，都可以搵到呢啲信息。

2. 提前 mark 低宠物友好店铺清单，对住 list 上班可以避免尴尬。

3. 出门前，记得带埋水瓶、尿布、宠物车等物品，一方面能帮萌宠们及时补充水分，唔好热亲佢，另一方面做个负责的“铲屎官”，爱护环境。

4. 无论宠物乐园係唔係封闭型，无论自己嘅宠物係大定细，都一定要拖实或者看住佢啦。

## 水池派对

被称为宠物友好界“天花板”嘅佛山“顺联公园里”，係一个街区式的商场，里面爱宠氛围好浓厚，不时会举办宠物派对聚会，绝对係“E 狗”天堂。街区内设计了很多猫咪主题，四处可见好 cute 嘅猫咪元素装饰，仲为宠物们开设了托儿所、医院、美容院等专属店铺，真係有宠物社区嘅感觉，啱晒大家周末带住萌宠宝贝来 shopping。街区内大部分餐厅都係对宠物友好，亦有好多畀小朋友玩嘅游乐场，让你做到遛娃遛宠两不误。最值得一去嘅，係街区内仲有一个全封闭宠物乐园，特别嘅宠物玩水区，自带跳台嘅水池，对于狗仔来讲真嘅乐趣无穷。旁边配备咗自助冲凉区，大家唔得担心宠物湿身后冻亲啦。



## 绿茵操场

广州无限极广场户外有好大片草坪，可以畀猫猫狗狗奔跑，晚上喺度吹风好凉爽。草坪有宠物运动区，猫猫狗狗仲可以做操、爬坡、跨栏、颠窿。

## 朋克运动风



像素派对Pixel Party  
营业时间：周一至周五 11:00-21:30 周六、周日 11:00-22:00  
地址：广州市天河区龙口东路 28 号



位于天河岗顶嘅室内沉浸式游戏馆，拥有像素风环境同超 in 游戏，店内一共有六个主题竞技房：打篮球、攀爬、踩方格、捉沙包等。前排好 hit 嘅“鱿鱼游戏”就够晒刺激，当熟悉嘅口令响起，体验真人版嘅“一二三木头人”。而“动态攀岩”就模拟真实攀岩动作，需要玩家一手捉住扶手，另一只手点火红灯，真係几考臂力喍！每款游戏仲设置咗多种模式。想睇睇平时嘅默契如何，可以选择团队模式：想一人独享碌巴温，就嚟试试刺激嘅 PK。游戏馆会帮玩家配冇手环，输入 ID 就拥有自己嘅专属角色；店员跟足全场，介绍游戏嘅玩法，令大家更快进入游戏状态！



# 压力 OUT! 室内暴汗新体验

## 蹦跳新玩法

## check 默契



平时翻工被硬控在工位上，放假肯定想尽情运动，发一身汗宁舍酸来！虽然已经入秋，但广州嘅高温仲唔舍得走，大家都盯上了各有特色的室内运动场馆，游戏模式超多，蹦蹦跳跳真可爱！事不宜迟，let's go！

饶禧、黄译萱、郭玮、陈柱权/模特

反弹蹦床乐园(广州南站店)

营业时间：周一至周五 11:00-20:00 周六、周日 10:30-20:00  
地址：广州市番禺区汉溪大道西 233 号

## 心跳

喺广州南站嘅蹦床主题馆里，有 20 几项目俾大家玩足一日。馆内分为自由蹦床区、专业蹦床区同蹦床互动投影。其中，刺激尖叫项目特别受欢迎，“独木梅花桩”要求玩家要克服高空恐惧，往上行；最受欢迎嘅“魔鬼滑梯”，刺激程度同名字一样，从接近 90° 的垂直滑梯一跃而下，好似坐紧垂直过山车，等你在失重感中放飞自己；“旱雪滑梯”以快出圈，极速冲刺后玩家会被抛向空中……玩就係大胆同心跳，尽情嗨玩尖叫，感受肾上腺素急升的快感！呢度每个区域都配备专业安全员，馆内张贴蹦床百科，初哥们既能够体验运动快乐，又轻松 get 到新知识。